



ԵՎՐԱՍԻԱԿԱՆ ՄԻՋԿԱՌԱՎԱՐԱԿԱՆ ԽՈՐՀՈՒՐԴ

ԿԱՐԳԱԴՐՈՒԹՅՈՒՆ

7 մարտի 2017 թվականի

թիվ 8

քաղ. Բիշքեկ

**Գյուղատնտեսական մեքենաների ու սարքավորումների՝
երրորդ երկրներում բաց թողնվող կոմպլեկտավորող տարրերի
անալոզների արտադրությունը Եվրասիական տնտեսական միության
անդամ պետություններում կազմակերպելու մասին**

«Եվրասիական տնտեսական միության անդամ պետություններում գյուղատնտեսության մեքենաների եւ սարքավորումների արտադրությունը զարգացնելու համար պայմաններ ստեղծելու մասին» Եվրասիական միջկառավարական խորհրդի 2015 թվականի մայիսի 29-ի թիվ 4 որոշման եւ Եվրասիական միջկառավարական խորհրդի 2015 թվականի սեպտեմբերի 8-ի թիվ 9 որոշմամբ հաստատված՝ Եվրասիական տնտեսական միության շրջանակներում արդյունաբերական համագործակցության հիմնական ուղղությունների իրագործման նպատակներով՝

1. Եվրասիական տնտեսական միության անդամ պետությունների (այսուհետ՝ անդամ պետություններ) կառավարություններին՝ երրորդ երկրներում բաց թողնվող եւ անդամ պետությունների տարածքներ ներմուծվող՝

գյուղատնտեսական մեքենաների ու սարքավորումների կոմպլեկտավորող տարրերի անալոզների (այսուհետ՝ կոմպլեկտավորող տարրերի անալոզներ) արտադրությունն իրենց պետությունների տարածքներում կազմակերպելու նպատակներով՝

ա) հաշվի առնել կոմպլեկտավորող տարրերի, այդ թվում՝ հավելվածի համաձայն ցանկում ընդգրկված կոմպլեկտավորող տարրերի անալոզների արտադրությունը կազմակերպելու նպատակահարմարությունը.

բ) վերլուծել հետեյալ հարցերով լրացուցիչ միջոցներ ձեռնարկելու հնարավորությունը՝

կոմպլեկտավորող տարրերի անալոզների արտադրությունը կազմակերպելու եւ զարգացնելու ժամանակ ներդրումների ներգրավում.

կոմպլեկտավորող տարրերի անալոզների արտադրությունը կազմակերպելու համատեղ ծրագրերի եւ նախագծերի իրագործում՝ այդ թվում երրորդ երկրներից արտադրողների մասնակցությամբ.

գյուղատնտեսական մեքենաների եւ սարքավորումների արտադրության ժամանակ կոմպլեկտավորող տարրերի անալոզների արտադրությունը եւ դրանց օգտագործումը խթանող առաջարկների մշակում.

գ) Եվրասիական տնտեսական հանձնաժողով ներկայացնել անդամ պետությունների տարածքներում անցկացվող՝ գյուղատնտեսական մեքենաների եւ սարքավորումների կոմպլեկտավորող տարրերի արտադրության ոլորտում, ինչպես նաեւ մեքենաշինության հարակից ճյուղերում սուբկոնտրակտացիայի մասնագիտացված բորսաների վերաբերյալ տեղեկատվությունը.

դ) անդամ պետությունների զարգացման բանկերի հետ համատեղ ագրոարդյունաբերական համալիրի ֆինանսական աջակցության գործող ծրագրերի շրջանակներում վերլուծել կոմպլեկտավորող տարրերի անալոզների արտադրությունն իրականացնող ձեռնարկությունների աջակցությանն ուղղված միջոցների համալիրի իրագործման հնարավորությունը, ներառյալ՝

նորարարական ձեռնարկությունների ստեղծման համատեղ ծրագրերը եւ նախագծերը ֆինանսավորելը.

կոմպլեկտավորող տարրերի անալոզների արտադրության համար անհրաժեշտ սարքավորումները լիզինգով ձեռք բերելն արտոնյալ պայմաններով սուբսիդավորելը.

անդամ պետությունների տարածքներում կոմպլեկտավորող տարրերի անալոզների համապատասխանությունը հաստատելը:

2. Եվրասիական տնտեսական հանձնաժողովի կոլեգիային՝ անդամ պետությունների հետ համատեղ՝

ա) իրականացնել գյուղատնտեսական մեքենաների եւ սարքավորումների, ինչպես նաեւ դրանց կոմպլեկտավորող տարրերի արտադրության ոլորտում անդամ պետությունների արդյունաբերական համագործակցության շրջանակներում միջոցառումների իրագործման դիտանցում.

բ) նախապատրաստել եւ մինչեւ 2018 թվականի դեկտեմբերի 31-ը Եվրասիական տնտեսական հանձնաժողովի խորհրդի քննարկմանը ներկայացնել սույն կետի «ա» ենթակետում նշված դիտանցման արդյունքների վերաբերյալ զեկույցը:

3. Սույն կարգադրությունն ուժի մեջ է մտնում Եվրասիական տնտեսական միության պաշտոնական կայքում դրա հրապարակման օրվանից:

Եվրասիական միջկառավարական խորհրդի անդամներ՝

Հայաստանի	Բելառուսի	Ղազախստանի	Ղրղզստանի	Ռուսաստանի
Հանրապետությունից՝	Հանրապետությունից՝	Հանրապետությունից՝	Հանրապետությունից՝	Դաշնությունից՝

ՀԱՎԵԼՎԱԾ

Եվրասիական միջկառավարական
խորհրդի 2017 թվականի մարտի 7-ի
թիվ 8 կարգադրության

ՑԱՆԿ

գյուղատնտեսական մեքենաների եւ սարքավորումների
կոմպլեկտավորող տարրերի, որոնք բաց են թողնվում երրորդ
երկրներում, ներմուծվում են Եվրասիական տնտեսական միության
անդամ պետությունների տարածքներ, եւ որոնց անալոզների
արտադրությունը նպատակահարմար է կազմակերպել անդամ
պետությունների տարածքներում

1. Ավտոմատացված փոխհաղորդակներ
 2. Յուղման կենտրոնացված ավտոմատ համակարգ գյուղատնտեսական տեխնիկայի համար
 3. Տրակտորների համար դիզելային շարժիչներ
 4. Շարժիչներ եւ ուժային կայանքներ, որոնք աշխատում են գազաշարժիչային վառելիքով
 5. Կամրջակներ
 6. Առանցքակալներ՝ այդ թվում հոլովակավոր, կունդի, առանցքակալատուփի
 7. Արբանյակային նավիգացիա
 8. Հիդրավլիկայի տարրեր
 9. Էլեկտրոնային բաղադրիչներ
-